


土岐文庫

文庫17

W 77

4



15

20

25

文庫 17  
W 77  
4

明司發  
亮藏書

重訂唐詩別裁集卷七

長洲沈德潛歸愚邨

杜甫

觀打魚歌

綿州江水之東津。魴魚鱗鱗色勝銀。漁人  
漾舟沉大網。截江一擁數百鱗。眾魚常才  
盡。卻棄赤鯉騰出如有神。潛龍無聲老蛟  
怒。迴風颯颯吹沙塵。養子左右揮霜刀。鱠

重訂唐詩別裁集卷七

昭和六年二月一日  
昭和六年二月一日  
昭和六年二月一日

010185193921

昭和六年二月一日  
昭和六年二月一日  
昭和六年二月一日

飛金盤白雪高。徐州禿尾不足憶。漢陰槎頭遠道迤。魴魚肥美知第一。既飽歡娛亦不蕭瑟。君不見朝采割素鬢。咫尺波濤永相失。

又觀打魚

蒼江漁子清晨集。設網提網萬魚急。能者操舟疾若風。撐突波濤挺又入。小魚脫漏不可記。半死半生猶戢戢。大魚傷損皆垂

復心強。泥沙有時立。東津觀樵已再來。主

人罷鱸還傾盃。日暮蛟龍改窟穴。山根鱸

鮓隨雲雷。干戈兵革鬪未止。鳳凰麒麟安

在哉。吾徒胡為縱此樂。暴殄天物物所哀。

前首為老饕戒耳此思覺到干戈兵革洪鐘無纖響也

短歌行原注贈王

王郎酒酣拔劍斫地歌莫哀。我能拔爾抑塞磊落之奇才。豫樟翻風白日動。鯨魚跋

重訂唐詩別裁卷七

重刊唐詩別裁卷七

浪滄溟開且脫佩劍休徘徊西得諸侯植

錦水欲向何門取珠履仲宣樓頭春色深

青眼高歌望吾子眼中之人吾老矣上下

句復用卑句相開此亦獨別之格言

眼中之人紛紛不足比數而我年已老

吾子也

江中蟠石生桃竹杖引張留侯

削皮如紫玉江妃水仙惜不得特撞使君

開一東滿堂賓客皆歎息憐我老病贈兩

莖出入爪甲鏗有聲老夫復欲東南征乘

清鼓柁白帝城路幽必為鬼神奪拔劍或

與蛟龍爭重為告曰杖乃杖兮爾之生也

○六字字騰前地雖甚正直慎勿見水踴躍學變化為龍使我

不得爾之扶持滅跡于君山湖上之青蜂

噫風塵瀕洞兮豺虎齧人忽失双杖兮吾

將曷從凌空超忽

重刊唐詩別裁卷七

三

韋諷錄事宅觀曹將軍畫馬圖

崔王元龜

國初已來畫鞍馬神妙獨數江都王將軍  
得名三十載人間又見真乘黃曾貌先帝  
照夜白龍池十日飛霹靂內府殷紅瑪瑙  
盤婕妤傳詔才人索盤賜將軍拜舞歸輕  
紈細綺相追飛貴戚權門得筆跡始覺屏  
障生光輝昔日太宗拳毛騮近時郭家師  
子花今之新圖有二馬復令識者久歎嗟

此皆騎戰一敵萬編素漠漠開風沙其餘  
七匹亦殊絕迥若寒空動煙雪霜蹄蹴踏  
長楸間馬官廐蒼森成列可憐九馬爭神  
駿顧視清高氣深穩借問苦心愛者誰後  
有韋諷前支遁憶昔巡幸新豐宮翠華拂  
天來向東騰驪磊落三萬匹皆與此圖筋  
骨同自從獻寶朝河宗無復射蛟江水中  
君不見金粟堆前松柏裏龍媒去盡鳥呼

重訂喜詩別裁

卷六

四

風朝河宗言河宗朝而獻寶也用穆天子傳意應情明皇西幸而言因畫馬說到真馬因真馬說到天子巡幸故君之思慘々下忘此題後拓開一步法

丹青引原注贈曹將軍霸

將軍魏武之子孫於今為庶為清門英雄割據雖已矣下○就○頃○之○事○中○而○筆文彩風流猶尚存學書初學衛夫人但恨無過王右軍丹青不知老將至富貴於我如浮雲開元之中常引見承恩數上南薰殿凌烟功臣少且言○今○引○起○彦色將軍下

筆開生面良相頭上進賢冠猛將腰間大羽箭褒公鄂公毛髮動英姿颯爽來酣戰先帝天馬五花驄畫工如山貌不同是日牽來赤墀下迥立闈闔生長風詔謂將軍拂絹素意匠慘澹經營中斯須九重真龍出一洗萬古凡馬空五花卻在御榻上榻上榻前屹相向至尊含笑催賜金圍人太僕皆惆悵弟子韓幹早入室亦能畫馬窮

重訂詩別裁卷七

五

殊柳幹。惟畫肉。不畫骨。忍使驕驩氣凋喪。

將軍盡善。蓋有神。必逢佳士。亦寫真。即今

飄泊干戈際。屢覩尋常行路人。途窮反遭

俗眼。白世上。未有如公貧。但看古來盛名

下。終日以填糶其身。畫人畫馬。賓主相形。以橫跌宕。此得之于

心應之于手。有化工而無人力。魂止矣。

戲作花柳歌花歌

成都猛將有花柳。學語小兒知姓名。用如

快鷲風火生。見賊惟多身。始輕綿州副使

著。拓黃我卿掃除即日平。子璋髑髏血模糊。

糊手提擲還。崔大夫李侯重有此節度人

道我卿絕世無。既稱絕世無。天子何不喚

敵守東都。李魚出奔成都後復鎮東

冬狩行原注時梓州刺史章曼兼侍御史留後東川

君不見東川節度兵馬雄。校獵亦似觀成

功。夜發猛士三千人。清晨合圍步驟同禽

歎已斃十七八殺聲落日迴蒼穹幕前生  
致九青兕駝駟轟危垂玄能東西南北百  
里間髣髴蹴踏寒山空有鳥名鸚鵡力不  
能高飛逐走遂因味不足登鼎俎何為見  
羈虞羅中春蒐冬狩侯得同使君五馬一  
馬驄况今攝行大將權號令頗有前賢風  
飄然時危一老翁十年厭見旌旗紅喜君  
士卒甚整肅為我迴轡擒西賊草中狐兔

畫何益天子不在咸陽宮朝廷雖無幽王  
禍得不哀痛塵再蒙嗚呼得不哀痛塵再  
蒙言此兩敵王不宜以校獵自誇  
英武也大聲疾呼鬼神欲泣

閩山歌

閩州城東雪山白閩州城北玉臺碧松浮  
欲盡不盡雲江動將崩未崩石那知根無  
鬼神會已覺氣與嵩華敵中原格鬪且未  
歸應結茹齋看青壁

重訂唐詩別裁卷七

七



閩水歌

嘉陵江色何所似，石黛碧玉相因依。正憐日破浪花出，更復春從沙際歸。巴童蕩槳歌側過，水雞衝魚來去飛。閩中勝事可腸斷，閩州城南天下稀。

越王樓歌

太宗子越王貞任  
緜州刺史作此樓

綿州州府何磊落，豈慶中年越王作。孤城西北起高樓，碧瓦朱甍照城郭。樓下長江

百丈清江頭，落日半輪明。君王舊跡今人

賞，轉見千秋萬古情。彷彿王子安勝王閣  
詩見以老無所不有

折檻行

嗚呼房魏不復見，秦王學士時難羨。青衿

胥子因泥塗，白馬將軍若雷電。千載少

朱雲人，至今折檻空嶙峋。婁公不語宋公

語，尚憶先皇容直臣。永泰二年中官魚朝  
恩判國子監事故作

此詩言當時諸臣不能力爭任其橫行  
也朝恩兼神策軍使故以白馬將軍比

之  
之  
之

古柏行

此在夔州孔明廟柏

孔明廟前有老柏柯如青銅根如石霜皮  
溜雨四十圍黛色參天二千尺君臣已與  
時際會樹木猶為人愛憶雲來氣接巫峽  
長月出寒通雪山白憶昨路遶錦城東先  
主武侯同闕宮崔嵬枝幹郊原古窈窕丹  
青戶牖空落落盤踞得地冥冥孤高多

烈風扶持自是神明力正直原因造化功

大厦如傾要梁棟萬牛迴首正山重不露

文章世已驚未辭剪伐誰能送苦心豈免

容蟻蟻香葉終經宿鸞鳳志士幽人莫怨

嗟古來材大難為用中間時有整句與洗

棟梁意人人有之從君臣際會着筆方見精采

縛雞行

小奴縛雞向市賣雞被縛急相喧爭家中

重丁唐詩川卷七

九

歎雞食蟲蟻不知賣雞還遭烹蟲雞於人  
何厚薄吾叱奴人解其縛雞蟲得失無了  
結。妙。不。說。盡。  
時注目寒江倚山閣

觀公孫大娘弟子舞劍器行并序

大歷二年十月十九日夔州別駕元

持宅見臨穎李十二娘舞劍器壯其

蔚歧問其所師曰余公孫大娘弟子

也開元三載余尚童稚記於郾城觀

公孫氏舞劍器渾脫瀟灑頓挫獨出

冠時自高頭宜春梨園二伎坊內人

洎外供奉曠是舞者聖文神武皇帝

初公孫一人而已玉貌錦衣况余白

首今茲弟子亦匪盛顏既辨其由來

知波瀾莫二撫事慷慨聊為劍器行

律者吳人張旭善草書書帖數常於

鄴縣見公孫大娘舞西河劍器自此

草書長進豪蕩感激即公孫可知矣  
昔有佳人公孫氏。一舞劍器動四方觀者  
如山色沮喪。天地為之久低昂。燿如羿射  
九日落。矯如羣帝駮龍翔。來如雷霆收震  
怒。罷如江海凝清光。絳唇珠袖兩寂寞。晚  
有弟子傳芬芳。臨穎美人在白帝。妙舞此  
曲神揚揚。與余問答既有感。感時撫事增  
惋傷。先帝侍女八千人。公孫劍器初第一。  
注重典。段

三十年間似反掌。風塵瀕洞昏。王室梨園  
子弟散如煙。女樂餘姿映寒日。金粟堆南  
木已拱。瞿塘石城草蕭瑟。玳筵急管曲復  
終。樂極哀來月東出。老夫不知其所往。足  
跡荒山轉愁疾。詠李氏思及公孫詠公孫  
念及先帝身世之戚與亡  
之感交赴腕下若就  
題還題有何與會

李潮八分小篆歌

蒼頡鳥跡既茫昧。字體變化如浮雲。陳倉

重丁吾子小篆歌  
上

石鼓又已訛大小二篆住八分。秦有李斯  
漢蔡邕中間作者竊不聞。澤山之碑野火  
焚。棗木傳刻肥失真。苦縣光和尚骨立。書  
貴瘦硬方通神。惜哉李蔡不復得。吾獨李  
潮下筆親尚書。韓擇木騎曹蔡有鄰。開元  
已來數八分。潮也奄有二子成三人。況潮  
小篆逼秦相。快劍長戟森相向。八分一字  
直百金。蛟龍盤篆肉。佹強吳郡張顛誇草

書。州書非古空。雄壯豈如吾甥。不流宕元  
相中郎丈人行。巴東逢李潮。逾月求我歌。  
我今衰老才力薄。潮乎潮乎奈汝何。

王兵馬使二角鷹

悲。臺。蕭。颯。石。龍。從。哀。壑。杳。杳。浩。呼。海。中。有。  
萬里之長江。迴風陷日。孤光動。角鷹翻倒。  
壯士臂將軍。王帳軒勇氣。二鷹猛。腦條徐。  
陸。目。如。愁。胡。視。天。地。杉。雞。竹。兔。不。自。惜。溪。

重丁書詩別裁卷之七

左右勁

虎野羊俱辟易，韝上鋒稜十二鬪。將軍勇  
 銳與之敵，將軍樹勳起安西。崑崙虞泉入  
 馬蹄，白羽曾肉三狡獍。敢決豈不與之齊，  
 荆南芮公得將軍，亦如角鷹平翔雲。惡鳥  
 飛七啄金屋，安得爾輩開其羣。驅出六合  
 梟鸞兮，起四句不着鷹一字，然而有角鷹起於吾前，入手須如此落筆。

憶昔

憶昔開元全盛日，小邑猶藏萬家室。稻米

流脂粟米白，公私倉廩俱豐實。九州道洽  
 無豺虎，遠行不勞。志印出齊統，魯編車。班  
 班男耕女桑，不相失。宮中聖人奏雲門，天  
 下朋友皆膠漆。百餘年間未災變，叔孫禮  
 樂蕭何律，豈聞一絹值萬錢。有田耕種今  
 流血，洛陽宮殿燒焚盡。宗廟新除狐兔穴，  
 傷心不忍問者舊。復恐初從亂，誰說小臣  
 魯鈍無所能。朝廷記憶蒙祿秩，周宣中興

望我王洒血江漢身衰疾。前漢問元之盛後泉吐蒼之亂

未望代宗之中興也

陪王侍御同登東山最高頂宴姚

通泉晚攜酒泛江

姚公美政誰與儔不減昔時陳大丘邑中  
上客有柱史多暇日陪驄馬遊東山高頂  
羅珍羞下顧城郭消我夢清江白日落欲  
盡復攜美人登綵舟管絃愔愔哀中流妙

舞透迤夜木休燈前往往大魚出聽曲低  
昂如有求三更風起寒浪湧取樂喧呼覺  
舩重滿空星河光破碎四座賓客色不動  
請公臨深莫相違迴舩罷酒上馬歸人生  
歡會豈有極無使霜露沾人衣。結出好樂毋荒意而

措語蘊蓄耐人咀吟

白鳧行

君不見黃鵠高於五尺童化為白鳧似老

翁故畦遺穗已蕩盡。天寒日暮波濤中。鱗介腥膾素不食。終日忍飢西復東。魯門鷄鵲亦蹭蹬。聞道于今亦避風。爰居今猶避風黃鸝忍飢

所固然也推開作結感憤中復能安分

魏將軍歌

將軍昔著從事衫。鐵馬馳突重關衝。被堅執銳略西極。崑崙崑崙窟窟東嶽巖。君門羽林萬猛士。惡若哮虎子所監。五年起家列霜戟。一日過海收風帆。平生流輩從蠢匕。長安少年氣欲盡。魏侯骨聳精爽緊。華嶽峰尖見秋隼。星纏寶鉞金盤陸。夜騎天駟超天河。攬槍焚惑不敢動。翠蕤雲旂相蕩摩。吞為子起歌都護歌蒼蒼立武暮萬歲。千秋奉明主。臨江節士安足數。蘇士歌

醉歌行贈公安顏少府請顧八分



題壁

神仙中。人不易得顏氏之子。才孤標天馬  
 長鳴待駕馭。秋鷹整翮當雲霄。君不見東  
 吳顧文學。君不見西漢杜陵老。詩家筆勢  
 君不嫌。詞翰片堂為君掃。注。詩。每。有。此。一。掃。丹  
 澤鳥蠻落照。御赤。壁。酒酣耳熱忘頭白。感  
 君意氣無所惜。一為歌行歌主客。

夜聞箏箏集

夜聞聲。箏。滄江上。哀年側耳情。所嚮鄰舟  
 一聽多感傷。塞曲三更歛。悲壯積雪飛。霜  
 此夜寒孤燈。急管復風湍。君知天地干戈  
 滿不見。見江湖行路難。本言行路之難。而以  
見其難。次透過一層。家鄉既蕩。盡遠近。埋亦齊用意。亦復爾爾。  
 追酬故高蜀州人日見寄并序

開文書帙中。檢所遺。忘因得故常侍  
 適往居在成都時高任蜀州刺史人

日相憶見寄詩淚洒行間讀終篇未  
 自枉詩已十餘年莫紀存歿又六七  
 年矣老病懷舊生意可知今海內忘  
 形故人獨漢中王瑀與昭州敬使君  
 超先在安而不見情見乎詞大歷五  
 年正月十一日卻追酬高公此作  
 因寄王及敬弟

自枉蜀州人日作不意清詩久零密令晨

散映眼忽開迸淚幽吟事如昨嗚呼壯士  
 多慷慨合脊高名動寥廓歎我凄凄求友  
 篇感時鬱鬱匡君略錦里春光空爛熳瑶  
 墀侍臣已冥冥瀟湘水國傍鼉鼉郵杜天  
 天失鵬鷺東西南北更誰論白首扁舟病  
 獨存遙拱北辰纏冠盜欲傾東海洗乾坤  
 邊塞西蕃最充斥衣冠南渡多崩奔鼓瑟  
 至今悲帝子史裾何處覓王門文章曹植

波瀾潤服食劉安德業尊長笛鄰家亂愁  
得敬書以指高絕  
思昭州詞翰與招魂  
谷蜀州魏而東西南北人句鼓折東西南

王季友

酬李十六岐

鍊丹文武火未成。賣藥販履俱逃名。出谷  
迷行洛陽道。乘流醉卧滑臺城。城下故人  
久離怨。一歡適我。兩家願。朝飲枝懸沾遷

錢君嘗囊有松花飯。子何車馬日憧憧。李  
膺門館爭登龍。千賓揖對若流水。五經  
難如叩鐘下。筆新詩行滿壁。立談古人坐  
在席。問我草堂有臥雲。知我山儲無僱石。  
自耕自刈食為天。如鹿如麋飲野泉。亦知  
世上公卿貴。且養邱中艸木年。  
車馬憧憧一段即所云世上公卿貴也

宿東谿十五山亭

上山下山入山谷谿中落日留我宿松石  
依依當主人主人不在意亦是名花出地  
兩重階絕頂平天一小齋本意由來是山  
水何用相逢語舊懷自白語自  
是真境

元結

宿丹崖翁宅

扁舟欲到瀧口湍春水滿瀧上水難投竿  
來泊丹崖下得與崖翁盡一歡丹崖之亭

當石巖破竹半山引寒泉泉流掩映在木  
杪有蒼白鳥飛林間往往隨風作霧雨溼  
人巾履滿庭前丹崖翁愛丹崖棄官幾年  
崖下家兒孫棹船抱酒甕醉裏長歌揮釣  
車我將求退與翁遊學翁歌醉在漁舟官  
吏隨人往未得卻望丹崖慙復羞

涓溪招隱

長松亭亭滿四山山間乳竇流清泉涓溪

正在此山裏乳水松膏常灌田松膏乳水  
田肥良稻苗如蒲米粒長粟色如珈玉液  
酒酒熱猶聞松節香溪邊老翁年幾許長  
男頭白孫姦女問言只食松田米無藥無  
方向人語溪溪石下多泉源盛暑大寒冬大温  
暑蘇宜在水中石涸溪一曲自當門吾今欲作  
涸溪翁誰能住我舍西東勿憚山深與地僻羅  
浮尚有葛仙翁

劉長卿

中唐古詩參寥可數故安房以復  
呂叅以前存十餘首以志崖畧

銅雀臺

嬌愛更何日高臺空數層台啼映雙袖不  
忍看西陵漳水東流無復來百花葦路為  
蒼苔青樓月夜長窸窣碧雲日暮空徘徊  
君不見鄴中萬事非晉時古人不在今人  
悲春風不逐君王去草色正年舊宮路宮  
中歌舞已浮雲空指行人往來處

人桂渚次砂牛石定

扁舟襖歸路日暮瀟湘深湘水清見底楚  
雲淡無心片帆落桂渚獨夜依楓林櫺月出  
猿聲苦桂渚天寒桂花吐此中無處不堪  
愁江客相看淚如雨

嚴陵釣臺送李康成赴江東使

潺湲子陵瀨髮鬢如在目七里人已非千  
年水空綠新江上孤帆遠應逐楓林千

萬轉古堊落日共蕭條寒水無波更清淺  
墓上漁竿不復持卻今猿鳥向人悲灘聲  
山翠至今在遲雨行舟晚泊時

聽笛歌別鄭協律

舊遊憐我長沙謫載酒沙頭送逸客天涯  
望月自沾衣江上何人復吹笛橫笛能令  
孤客愁綠波淡淡如不流商聲寥亮羽聲  
苦江天森歷江楓秋靜聽關山聞一叫三

湘月色悲猿嘯。又吹楊柳。激繁音。千里春  
色傷人心。隨風飄向何處。落唯見曲盡平  
湖深。明發與君離別。後馬上一聲堪白首。

錢起

送崔十三東遊

千里有同心。十年一會面。當杯緩箏柱。條  
勿催離燕。丹鳳城頭噪晚鴉。行人馬首夕  
陽斜。灞上春風留別袂。關東新月宿誰家。

官柳依依兩鄉色。誰能此別不相憶。

何嘗不佳

然流入  
平調矣

送鄔三落第還鄉

鄔客文章絕世稀。常嗟時命與心違。十年  
失路誰知己。千里思親獨遠歸。雲帆春水  
將何適。日愛東南暮。山碧關中新。月對離  
樽江上殘。花待歸客。名宦無媒自古遲。窮  
途此別不堪悲。荷衣垂釣且安命。金馬招

賢會有時

郎士元

塞下曲

寶刀塞下兒起用單句而以見知為商身經百戰曾百勝壯心竟未

嫖姚知白草山頭日初沒黃沙戍下悲歌

發蕭條夜靜邊風吹獨倚營門望秋月

盧

綸字允古河中蒲人大歷初舉進士不第以元載薦授監察

御史後章原表其才得召見帝有所作輯命廣和既終湮殮在河

中驛召之會幸官止檢校戶部郎中

臘日觀成寧王部曲娑勒擒虎歌

山頭曈曈日將出山下臘圍照初日前林

有獸未識名將軍使騎無人聲潛形跪伏

草不動雙鵬轉旋羣鴉鳴陰方質子才三

十譯語受詞蕃語揮捨鞍解甲疾如風人

忽虎蹲獸人立虎直形毛髮生欲然扼鬚批其頤爪牙委

地涎淋漓既蘇復吼物仍怒果叶英謀生



致之拖自深叢目如電萬夫失容千馬戰  
傳呼賀拜聲相連殺氣騰陵陰滿川始知  
縛虎如縛屍敗寇降羌生眼前祝爾嘉詞  
爾無苦獻爾將隨屋象舞苑中流水禁中  
山期雨攪搏開天顏非燕之兆慶無極願  
紀雄名傳百籟中間博獸數語何減  
太史公叙鉅鹿之戰

劉禹錫

平蔡州三首

九衢車馬渾渾流使臣來獻淮西囚四夷  
聞風失七著天子受賀登高樓妖童擢髮  
不足數血汗城西一杯土南風無火楚澤  
閒夜行不鎖穆陵關策勳禮畢天下泰猛  
士按劍看常山時惟常  
山不庭  
蔡州城中眾心死妖星夜落照壕水漢家  
飛將下天來馬箠一揮門洞開賊徒奔騰  
望旗拜有若羣鷲春雷狂童面縛登檻

車太白天矯垂捷書相公後容來鎮撫常  
侍郊迎負文綵西人歸業閭里聞小兒跳  
跟健兒舞

汝南晨雞嗥嗥鳴城頭鼓角音和平路傍

老人憶舊事相與感激皆涕零老人收泣

前致辭官軍入城人不知忽驚元和十二

載喜見天寶承平時紀事云夢得曰柳八

云左餐右粥何如我平淮西雅云仰父  
俯子韓碑燕有帽子使我力之便說用

兵使叛兵韓碑柳雅各有所長余詩有  
云汝南晨雞嗥嗥鳴城中鼓角音和平

美愬之八蔡城也頃與之間賊無覺者  
又落句云忽驚元和十二載重見天寶

昇平時以見乎淮之年云口紀事語不  
足憑究之柳雅劉詩遠遜韓碑李義山

詩可取  
而証也

韋應物

學仙吟二首

昔有道士求神仙靈真下試心確然千鈞  
巨石一髮懸臥之石下十三年存道忘身

一試過名奏王皇乃升天。雲氣冉冉漸不  
見。留語弟子但精堅。

石上鑿井欲到水。情心一起中路止。豈不  
見古來三人俱弟兄。結茆深山讀仙經。上  
有青真倚天之絕壁。下有颺颺萬壑之松  
聲。仙人變化為白鹿。二弟翫之兄誦讀。七  
多七過可乞言。為子心精得神仙。可憐二  
弟仰天泣。一失毫釐千萬年。二章總言  
非道貴專

聽鶯曲

須知是鶯。聽鶯。起音  
東方欲曙花冥冥。啼鶯相喚亦可聽。乍去  
乍來時近遠。繞闌南陌又東城。忽往山林  
翻下苑。綿絲蠻七如有情。欲轉不轉音自  
嬌。羌兒弄笛曲未調。前聲後聲不相及。秦  
女學箏指猶澀。須臾風暖朝日曛。流音變  
作百鳥喧。誰家懶婦驚殘夢。何處愁人憶  
故園。伯勞飛過聲局促。戴勝下時桑田綠。

不及流鶯日日啼。花間能使萬家春意閒。  
有時斷續聽不了。飛去花枝猶裊裊。還栖  
碧樹鎖千門。春漏方殘一聲曉。

韓愈昌黎從李杜場起之後能不

相沿習別開境界雖從橫變  
化不逾李杜而規模堂座  
弥見濶大洵推豪傑之士

汴州亂二首

汴州城門朝不開。天狗踏地聲如雷。健兒  
爭誇殺留後。連屋累棟燒成灰。諸侯咫尺

不能救孤士。何者自與哀。汴州董晉在時  
源公因此作詩

八日而軍亂殺長

母後子走者為誰。大夫夫人留後兒。昨日  
乘車騎大馬。坐者迎趨乘者下。廟堂不肯  
用干戈。嗚呼。余汝母子何。

山石

山石荦确行徑微。黃昏到寺蝙蝠飛。昇堂  
坐階新雨足。芭蕉葉大支子肥。僧言古壁

重丁唐寺可成。奉七

佛畫好以火來照所見稀鋪床拂席置羹  
 飯疎糲亦足飽我飢夜深靜臥百蟲絕清  
 月出嶺光入窳天明獨去無道路出入高  
 下窮烟霏山紅澗碧紛爛熳時見松檜皆  
 十回當流赤足踏澗石水聲激上風吹衣  
 人生如此自可與豈必局促為人鞅嗟哉  
 吾黨二三子安得至老不更歸元遺山論  
詩絕云有  
情芍藥含春淚无力蓄微臥晚枝枯出  
退之山石句始知渠是女卸詩謂此篇

有情二句  
秦少游詩

### 雉帶箭

中野雉畏鷹出復沒搃軍  
 欲以巧伏人盤馬驚弓惜不發地形漸窄  
 覲者多雉驚弓滿勁箭加衝人決起百餘  
 尺紅翎白鏃隨傾斜將軍仰笑軍吏賀五  
 色離披馬前隋李將軍度不中不發也必  
應弦而倒審量于未嘗已  
之先外移惜于已膏弓之候總不肯  
輕見其技也作文作詩亦須得此意

汴泗交流贈張僕射建封

汴泗交流郡城角。築場千步平如削。短壘  
 三面繚。逶迤擊鼓騰。七樹赤旗新。秋朝涼  
 未見。日公早結束。來何為分曹。決勝約前  
 定。百馬攢蹄近相映。秋驚杖奮合且離。紅  
 牛纓。紱黃金羈。側身轉臂著馬腹。霹靂應  
 手。神珠馳超遙。散漫兩閒暇。揮霍紛紛爭  
 變化。容難得巧。音氣粗謹。言四合壯士呼。

此誠習戰非為劇。豈若安坐行良周。當今  
 忠臣不可得。公馬莫走須殺賊。

贈唐衢其人善哭

虎有爪兮牛有角。虎可搏兮牛可觸。奈何  
 君獨抱奇材。手把鉏犁餓空谷。當今天子  
 急賢良。麤函朝出開明光。何不上書自薦  
 蓬坐令四海如虞唐。

八月十五夜贈張功曹名署為儂言所中與

縣令南方順宗  
小位從掾江陵

纖雲四卷天無河清風吹空月舒波沙平  
水息聲影絕一丞相屬君當歌君歌聲酸  
辭且苦不能聽終淚如雨洞庭連天九疑  
高蛟龍出沒猩猩號十生九死到官所幽  
居默默如藏迹下床畏蛇食果藥海氣溼  
鼠熏腥臊昨者州前搥大鼓嗣皇繼聖登  
夔臯赦書一日行萬里罪從大辟皆除死

遷者道回流者還條瑕蕩垢朝清甄州家

申名使家抑坎軻祗得移荆臺判司卑官

不堪說未免捶楚塵埃間同時輩流多上

道天路幽險難追攀君歌且休聽我歌我

歌今與君殊科一年明月今宵多人生由

命非由他有酒不飲奈明何

謁衡嶽廟遂宿嶽寺題門樓在長沙湘

潭縣

五嶽祭秩皆三公。四方環鎮高當中。火維地荒足妖恠。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦昧無清風。潛心默禱若有應。東坡所謂力也非正直能感通。頃頃靜掃眾峰出。仰見元撐青空紫。蓋連延接天柱。石廩騰擲堆祝融。森然動魄下馬拜。松柏一逕趨靈宮。粉墻丹柱動光彩。鬼物圖畫填青紅。升階

偃。樓薦脯酒欲以菲。薄明其裏。廟令老人識神意。睢盱偵伺能鞠躬。手持玉珪道我擲。云此最吉餘難同。竄逐蠻荒幸不死。衣食纔足甘長終。侯王將相望。久絕神縱欲。福難為功。夜投佛寺上高閣。星月掩映雲腫。朦猿啼鐘動。不知曙。杲杲寒日生于東。

嗟哉董生行

淮水出桐柏山東。馳遙七千里不能休。泥



水出其側不能千里百里入淮沔壽州屬  
縣有安豐唐貞元時縣人董生召南隱居  
行義於其中刺史不能薦天子不聞名  
爵祿不及門門外惟有吏日來徵租更索  
錢嗟哉董生朝出耕夜歸讀古人書盡日  
不得息或山而樵或水而漁入廚具甘旨  
上堂問起居父母不感上妻子不咨咨嗟  
哉董生孝且慈人不識惟有天翁知律祥

下端無時期家有狗乳出求食雞來哺其

兒次庭中拾蟲蟻哺之不食鳴聲悲傷

惶躑躅久不去以翼來覆待狗歸嗟哉董

生誰將與儔時之人夫妻相虐兄弟為讐

食君之祿而今父母愁亦獨何心嗟哉董

生無與儔此特朱子取入小學中見孝慈

文正是不可及處。俞犀月云奇橫在  
用韵最貫下一筆然後截住以足上意  
如畫日不得息  
獨何心等句是也

寒食日出遊

張十一院長見示病中憶花九篇寒食日

出遊夜好  
因以投贈

李花開發君始病我往看君花轉盛走馬  
城西惆悵歸不見千林雪相映爾來又見  
苑與梨交開紅白如爭競可憐物色阻攜  
手空展霜繡吟九詠紛紛落盡泥與塵不  
共新粧比端正桐華最晚今已繁君不強  
起時難更閑山遠別固其理寸步難見始

知命憶昔與君同聚官夜渡洞庭看斗柄  
豈料生還得一處引袖拭淚悲且慶各言  
生死兩追隨直置心親無貌敬念君又署  
南荒吏路指鬼門幽且負三公盡是知音  
人曷不薦賢陛下聖囊空甑倒誰救之我  
今一食日還併自然憂氣損天和安得康  
強保天性斷鶴兩翅鳴何哀繫驥四足氣  
空橫今聞寒食行野外綵楊而岫蒲生送

宋玉庭邊不見人。輕浪參差魚動鏡。自嗟  
孤賤足瑕疵。特見放縱荷寬政。飲酒寧嫌  
觥底深。題詩尚倚筆鋒勁。明宵故欲相就  
醉。有月莫辭當火令。

鄭羣贈簞

蘄州笛竹天下知。鄭君所寶尤瓌竒。攜來  
當晝不得臥。一府傳看黃琉璃。體堅色淨  
又藏節。盡眼凝滑無瑕疵。法曹白謂貧賤衆所

易腰腹空大何能。為自從五月困暑溼。如  
坐深甑遭蒸炊。手磨袖拂心語口。慢膚多  
汗真相宜。日暮歸來獨惆悵。有賣直欲傾  
家資。誰謂故人知我意。卷送八尺含風漪。  
呼奴掃地鋪未了。光彩照耀驚童兒。青蠅  
側翅蚤蟲避。肅肅疑有青飈吹。倒身甘寢  
百疾愈。却願天日恒炎曦。明珠青玉不足  
報。贈子相好無時衰。

贈崔立之評事名斯立

崔侯文章苦捷敏，高浪駕天輪不盡。曾後  
 關外來上都，隨身卷軸車連軫。朝為百賦  
 由鬱怒，暮作千詩轉遒緊。搖毫擲簡自不  
 供，頃刻青紅浮海蜃。才豪氣猛易語言，往  
 往蛟螭雜蠃蚘。子拙並見知音自古稱難遇，世俗乍  
 見那妨哂。勿嫌法官未登朝，猶勝赤尉長  
 趨尹。時命雖乖心轉壯，技能虛富家逾窘。

念昔塵埃兩相逢，爭名齟齬持矛楯。子時

專場誇翦距，余始張軍嚴鞞。鞞兩來但欲

保封疆，莫學龐涓怯孫臏。自注：陵法專竄逐新歸厭聞

開齒髮，早衰嗟可閔。頻蒙忽句刺，棄遺豈

有閒官。敢推引，深藏篋笥時一發。戢戢已

多如束筍，可憐無益費精神。有似黃金擲

虛牝，當今聖人求侍從。拔擢杞梓收楛櫛

東馬嚴徐已奮飛，放臯即召窮且忍。復聞

王師西討蜀霜風冽冽摧朝菌走章馳檄  
在得賢燕雀紛拏要鷹隼竊料二塗必處  
一豈比恒人長蠢蠢勸君韜養待徵招不  
用雕琢愁肝腎牆根菊花好沽酒錢帛縱  
空衣可準暉暉簷日煖且鮮撼撼并梧疎  
更酌高士例須憐麴蘖丈夫終莫生畦畛  
能來取醉任喧呼死後實慙俱泯泯

酬司馬盧四兄雲夫院長望秋作

長安雨洗新秋出極北寒鏡開塵函終南  
曉望躡龍尾倚天更覺青嶺曉自知短淺  
無所補從事久此穿朝衫歸來得便即游  
覽暫似壯馬脫重銜曲江荷花蓋十里江  
湖生目思莫緘樂遊下矚無遠近綠槐萍  
合不可芟白首寓居誰借問平地寸步局  
雲盡展雲夫老兄有狂氣嗜好與俗殊酸醜  
日來省我不肯去論詩說賦相誦誦望秋

一章已驚絕。猶言低抑避謗讒。若使乘酣  
騁雄怪。造化可以當鐫剗。嗟我小生。值強  
伴。怯膽變勇神。明鑿馳坑跨谷。終未悔為  
利而止。真貪饒。高揖羣公。謝名譽。速追甫  
白。感至誠。樓頭完月。不共宿。其奈就缺行  
撼撼。

和虞部盧四汀酬翰林錢七徽赤

藤杖歌

赤藤為杖。世未疑。臺郎始攜自滇池。滇王  
掃宮。避使者。跪進再拜語。嗚呼。繩橋挂過  
免傾隨。性命造次蒙扶持。途經百國皆莫  
識。君臣聚觀。逐旌麾。共傳滇神出水獻赤  
龍。拔鬚血淋漓。又云。羲和操火鞭。喚到西  
極。睡所遺。幾重包裹。自題署。不以珍怪誇  
荒夸。歸來捧贈同舍子。浮光照手欲把疑。  
空堂晝眠。倚戶牖。飛電著壁。搜蛟螭。南宮

清深禁闈密唱和有類吹埙篪妍辭麗句  
不可繼見寄聊且慰分司

石鼓歌

張生手持石鼓文勸我試作石鼓歌少陵  
無人謫仙死才薄將奈石鼓何周綱陵遲  
四海沸宣王憤起揮天戈大開明堂受朝  
賀諸侯劍佩鳴相磨鬼子岐陽騁雄俊萬  
里禽獸皆遮羅鐫功勒成告萬世觀金石作

鼓。嗟。我。從。臣。才。藝。咸。第。一。揀。選。撰。刻。留。  
山阿雨淋日多野火燎鬼物守護煩為呵。  
公從何處得紙本毫髮盡備無差訛辭嚴  
義密讀難曉字體不類隸與蝌年深豈免  
有缺畫快劔斫斷生蛟鼉鴛翔鳳翥眾仙  
下。珊瑚碧樹交枝柯金繩鐵索鎖紐壯古  
鼎躍水龍騰梭陋儒編詩不收人二雅編  
迫無委蛇孔子西行不到秦檇星宿遺

重訂唐詩別裁

卷七

七

羲娥嗟余好古生苦晚對此涕淚雙滂沱。  
憶昔初蒙博士徵其年始改稱元和故人  
從軍在右輔為我度量重拙曰科濯冠沐浴  
告祭酒如此至寶存豈多。氈苞席裹可立  
至十鼓祇載數駱駝薦諸太廟比部鼎光  
價豈止百倍過。聖恩若許留太學諸生請  
解得切磋觀經鳴都尚填咽坐見舉國來  
奔波剗苔剔鮮露節角安置妥帖平不頗

大厦深簷與蓋覆經歷久遠期無他中朝  
大官老於事距肯感激徒婢嬰牧童敲火  
牛礪角誰復著手為摩挲日銷月鑠就埋  
沒六年西顧空吟哦羲之俗書<sub>諫書</sub>姿媚數  
紙尚<sub>別千古傳</sub>可博白鷺<sub>俗書</sub>總周八代爭戰罷無人收  
拾理則那方今太平日無事柄任儒術崇  
聖軒安能以此上論列願借辯口如懸河  
石鼓之歌止于此嗚呼吾意其蹉跎於今



永留大學昌黎詩為之先  
聲也典重和平與題相稱

### 華山女

街東街西誦佛經。撞鐘吹螺開宮庭。麈尾張  
罪福資誘脅。聽衆狎怡排浮萍。黃衣道士  
亦誦說。座下寥落如明星。華山女兒家奉  
道欲驅異教歸。仙靈洗粧拭面著冠霞。白  
咽紅頰長眉青。遂來昇座演真訣。護門不  
許人開局。不知誰人暗相報。旬然振動如雷

靈掃除衆寺人跡絕。驢騾塞路連輜輶。觀  
中人滿坐觀外。後至無地無由聽。抽釵脫  
釧解環珮。堆金疊玉光青皎。天門貴人傳  
詔召六宮。願識師顏形。此與迎佛骨同見  
乘龍駕鶴來青冥。人主之不亦也豪家少年豈知道。來繞  
百巾脚不停。雲窗霧閣事恍惚。重重翠幔  
深金屏。仙梯難攀俗緣重。浪憑青鳥通丁  
寧。對自然詩顯斥之華山女詩微刺之總  
見神仙之說之惑人也漁隱輩話謂退

之此詩頗用假借豈其然乎

柳州羅池廟

荔子丹兮蕉黃雜佳蔬兮進侯堂侯之船  
兮雨旗度中流兮風泊之待侯不來兮不  
知我悲侯乘駒兮入廟慰我民兮不嘯以  
笑鸞之山兮柳之水桂樹團團兮曰石齒  
齒侯朝出遊兮暮來歸春與猿吟兮秋鶴  
與飛北方之人兮為侯是非千秋萬歲兮

侯無我違福我兮壽我驅厲鬼兮山之左  
下無苦溼兮高無乾旒稔充羨兮蛇蛟結  
蟠我民報祀兮無怠其始自今兮飲於世  
世九歌之遺

拘幽操

文王姜里作

集中少此格今附七

言古後

目窈窕兮其凝其首耳肅肅兮聽不聞聲  
朝不見日出兮夜不見月與星有知無知

今為死為生嗚呼臣罪當誅今天王聖明

此為人臣止于敬注脚也程伊川先生云道文王意中事前後人道不到此

越裳操 周公作

雨之施物以孳我何意于彼為自周之先其艱其勤以有疆宇私我後人我祖在上四方在下厥臨孔威敢戲以侮孰荒于門孰治于田四海既均越裳是臣孰荒孰治皆我祖所

也 監臨

將歸操 孔子之趙聞殺鳴犢作

狄之水兮其色幽幽我將濟兮不得其由涉其淺兮石齧我足乘其深兮龍人我舟我濟而悔兮將安歸尤歸兮歸兮無與石鬪兮無應龍求

猗蘭操 孔子傷不逢時作

蘭之猗猗揚揚其香不采而佩于蘭何傷今天之旅英曷為然我行四方以日為年

雪霜質質。薺麥之茂。子如不傷。我不爾說。  
彼。自有。之。性。若。子。之。傷。子。之。身。也。  
薺麥之茂。薺麥之有。君子之傷。君子之守。

男種松校字

重訂唐詩別裁集卷七

重訂唐詩別裁集卷八

長洲沈德畚歸愚選

柳宗元

楊白花

楊白花楊人眼之子胡太后逼幸之白花懼禍南奔于梁太后作楊白花歌使宮人連臂踏踏歌之

楊白花風吹渡江水。坐令宮樹無顏色。搖

蕩春光千萬里。茫茫曉月下長秋。哀歌未

斷城鴉起

長秋宮太后所居通篇不露正旨而以長秋二字逗出用筆用

意在微  
顯之問

漁翁

漁翁夜傍西巖宿。曉汲清湘然楚竹煙消  
日出不見人。欸乃一聲山水綠。迴看天際  
下中流。巖上無心雲相逐。東坡詞剛去未  
二語餘情不盡

然信

放鷓鴣詞

楚越有鳥甘且腴。嘲嘲自鳴為鷓鴣。狗媒

得食不復慮。械械淫發惟豈。翠羽毛摧折  
觸籠藥。烟火燭赫。馬庖劇鼎前。芍藥調五  
味。膳夫攘腕左右視。齊王不忍鰲鮓牛。簡  
子亦放邯鄲。鴟二人得意猶念此。兄我萬  
里為孤囚。見此後道自檢束勿為雨破籠展翅當遠去。同類相呼莫  
相顧。

聚蚊謠

沉沉夏夜蘭人開。飛蚊伺暗聲如雷。嘈然

欵起初駭聽，殷殷若自南山來。喧騰鼓舞  
喜昏黑，昧者不分曉。者或露花滴，灑月上  
天利。嘴迎人，若不得我軀。七尺雨如芒，我  
孤爾衆能我傷。天生有時不可過，爲爾設  
幄潛匡床。清商一來秋日曉，蓋爾微形飼  
丹鳥。

與前首同  
一比例

顧

字述翁，徽州海盜人，與神軍  
李必善，軍部攻以汝書，敵必  
爲相，猶遷著作，即坐詩語，譴謫  
監司，戶參軍，意居茅山，以壽終。

短歌行 有序

情思發動，聖賢所不能免也。師乙陳  
其宜，延州審其音，理亂之所經，土化  
之所興也。信無逃於聲教，豈徒文彩  
之麗，遂作此歌。

城邊路，今人犁田。昔人墓岸上，沙日時江  
水。今人家，今人昔人共長歎。四氣相催節  
迴換，明月皎皎入華池。白雲離離度青漢。

我欲升天天隔霄。我欲渡水水無橋。我欲  
 上山山路險。我欲汲井井泉遙。越人翠被  
 今何夕。獨立沙邊江草碧。紫燕西飛欲寄  
 書。白雲何處逢萊客。悠然神遠  
 新繫青絲百尺繩。心在君家轆轤上。我心  
 皎潔君不知。轆轤一轉一惆悵。何處春風  
 吹曉幕。江南深水通朱閣。美人二八顏如  
 花。泣向春風畏花落。臨春風聽春鳥。別上

多見時少愁人。一夜不得眠。瑤井玉繩相  
 對曉。言惻枕之無由上達也。總以微婉出之。

田 田哀閩也。田音塞。閩俗呼子為田父。為郎罷青

箱雜記云。唐世多取閩童為閩奴。故况陳其芳以諷。

田生閩方。閩吏得之。乃絕其陽。為臧。為獲。  
 致金滿屋。為髡。為鉗。如視草木。天道無知。  
 我惟其毒。神道無知。彼受其福。郎罷別田。  
 吾悔生汝。及汝既生。人勸不舉。不從人言。

果獲是苦。因別郎罷。心摧血下。隔地絕天。  
及至黃泉。不得在郎罷前。閻童亦人子。何罪而遭此毒耶。

即事貞書  
聞者足誠

### 白居易

#### 七德舞

七德舞。七德歌。傳自武德至元和。元和小  
臣白居易。覲舞聽歌。知樂意。曲終稱首陳  
其事。太宗十八舉義兵。白旄黃鉞定兩京。

擒克戮。實四海清。二十有四功。業成二十  
有九。即帝位。三十有五致太平。功成理定  
何神速。速在推心。致人腹亡。卒遺骸散帛。  
收飢人。賣子分金。贖魏徵。夢見子夜泣。張  
謹哀聞。辰日哭。怨女三千。放出宮。死囚四  
百。來歸獄。剪花燒藥。賜功臣。李勣嗚咽思  
殺身。含血吮瘡。撫戰士。思摩奮呼乞効死。  
不獨善戰。善乘時。以心感人人。心歸。雨來



一百九十載天下至今歌舞之歌七德舞

七德聖人有作垂無極豈徒耀神武豈徒

誇聖文太宗意在陳王業王業艰难示子

孫推心置腹通篇王意怨女一睽尤為警

勸縱因事啟公作論駁之然當時宜為

盛幸也未太宗亦謂朕不及此

海漫漫直下無底傍無邊雲濤煙浪最深

處人傳中有三神山山上多生不死藥服

海漫漫 戒求仙也

之羽化為天仙秦皇漢武信此語方士年

年採藥去蓬萊今古但聞名煙水茫茫無

覓處海漫漫風浩浩眼穿不見蓬萊島不

見蓬萊不敢歸童男艸女舟中老徐福文

成多誑誕上元太乙虛祈禱君看驪山頂

上茂陵頭畢竟悲風吹蔓草何況元元聖

祖五千言不言藥不言仙不言白日昇青

天此言求仙之妄也唐代崇奉老子而

五千言中不言神仙此去可悟矣

上陽白髮人

愍怨曠也

原注天室五哉

已後楊貴妃專寵後宮人無復進幸矣六宮有美色者不置別所上陽是其一也

貞元中尚存焉

上陽人紅顏闇老白髮新綠衣監使守宮門一閉上陽多少春明皇末歲初選入入時十六今六十同時采擇百餘人零落年深殘此身憶昔吞悲別親族扶八車中不敢哭皆云入內便承恩臉似芙蓉胸似玉

未容君王得見面已被楊妃遙側目妬令潛配上陽宮一生遂向空房宿宿空房秋夜長夜長無寐天不明耿耿殘燈照背影蕭蕭七閨雨打窓聲春日遲日遲獨坐天難暮宮鶯百轉愁厭聞梁燕雙棲老休妬鶯歸燕去長悄然春往秋來不記年惟向深宮望明月東西四五百迴圓今日宮中年最老大家遙賜尚書號小頭鞋底窄衣裳

青黛點眉眉細長。外人不見見應笑。天寶

末年時世粧。上陽人苦最多少。亦苦老亦

苦。少苦老苦兩如何。君不見昔時呂尚美

人賦。原注天寶末有客采艷色者當時號

又。不見今白上陽人。白髮歌。只推向深宮望

百迴圓二語已見宮人之苦而楊妃之

去

新豐折臂翁 戒邊功也

新豐老人八十八頭。鬢眉髮皆似雪。元孫

扶向店前行。左臂憑肩右臂折。問翁臂折

殊幾年。兼問致折何因。緣翁云。貴屬新豐

縣生。逢聖代無征戰。慣聽梨園歌管聲。不

識旗槍與弓箭。無何天寶大徵兵。戶有三

丁點一丁點。得驅將何處去。五月萬里雲

南行。聞道雲南有瀘水。柳花落時瘴煙起。

大軍徒涉水如湯。未過十人二三死。村南

邨北哭声哀兒別耶孃夫別妻皆云前後  
征蠻者千萬人行無一迴是時翁年二十  
四兵部牒中有名字夜深不敢使人知偷  
將大石鎚折臂張弓簸旗俱不堪從茲始  
免征雲南骨碎筋傷非不苦且圖揀退歸  
鄉土此臂折來六十年一肢雖廢一身全  
至今風雨陰寒夜直到天明痛不眠痛不  
眠終不悔且喜老人今獨在不然當時瀘

水頭身死魂飛骨不收應作雲南望鄉鬼  
萬人塚上哭呦呦原注雲南有萬人塚即  
鮮于仲通李宓曾覆軍  
欣老人言君聽取君不聞開元宰相宋開  
府不賞邊功防躡武又不聞楊國忠討  
國忠欲求恩幸立邊功邊功未立人怨請相楊  
問新豐折臂翁穹兵躡武之禍慨切言之  
未以宋璟楊國忠對言見  
開室治亂之  
枳實分于此

百鍊鏡 美皇王鑿也

重刊唐詩別裁卷八

百鍊鏡。鎔範非常規。日辰所處靈。且祇江  
心。波上舟中。鑄五月五日。午時。瓊粉金  
膏磨瑩已。化為一片秋潭水。鏡成將獻蓬  
萊宮。揚州長吏手自封。人間臣妾不合照。  
背有九五飛天龍。人人呼為天子鏡。我有  
一言聞太宗。太宗常以人為鏡。鑒古鑒今  
不欺。崇谷四海安。危居掌內。百王治亂懸其  
中。乃知天子別有鏡。不是揚州百鍊銅。百鍊

之鏡照一人君心之鏡照四海張  
曲江進千秋金鑑錄即是此意

青石 激忠烈也

青石出自藍田山。薰車運載來長安。工人  
磨琢欲何用。石不能言我代言。不願作人  
家墓前神道碣。墳土未乾名已滅。不願作  
官家道傍德政碑。不鐫實錄鐫虛辭。願為  
顏氏段氏碑。雕鏤太尉與太師。刻此兩片  
堅金質。狀彼二人忠烈姿。義心若石屹不

轉死節名流確不移。如觀奮擊朱泚日。似見叱呵希烈時。各于其上題名謚。一置高山。一沉水陵谷。雖遷碑獨存。骨化為塵。名不死。長使不忠不烈。臣覲碑。改節慕為人慕。為人勸事君。寫段頗二公凜凜有生氣。未勸人忠烈一篇主意。

八駿圖 戒奇物懲佚遊也

穆王八駿天馬駒。後人愛之寫為圖。背如龍。首頸如象。骨竦筋高。肌中壯。日行萬里。

速如飛。穆王獨乘何所之。四荒八極竭欲遍。三十二蹄無歇時。屬車軸折趣不及。黃屋草生棄若遺。瑤池西赴王母宴。七廟巡年不親薦。璧台南與盛姬遊。明堂不復朝諸侯。白雲黃竹歌聲動。一人荒樂萬人愁。周從后稷至文武。積德累功世勤苦。豈知纒及四代孫。心輕王業如灰土。由來尤物不在大。能傷君心則為害。文帝卻之不肯

乘千里馬去漢道興穆王得之不為戒八  
駿駒來周室壞至今此物世稱珍不知房  
屋之精下為害八駿圖君莫愛耽佚遊政  
治荒矣以

漢文之却千里馬  
對照與壞頭然

秦吉了 哀克民也

秦吉了出南中彩毛青黑花頸紅耳聽心  
慧舌端巧鳥語人言無不通昨日長爪鸞  
今日大嘴鳥為稍乳燕比害民之人一窠覆鳥噪母雞

一双眼枯難號隨地燕驚去然後拾卵攫其

雛豈無鵬與鴉比諫臣不言嗉中食飽不肯搏亦有鸞

鶴比大臣不言羣開立颺高如不聞秦吉了人云爾是

能言鳥豈不見雞燕之冤苦吾聞鳳凰百

鳥主爾竟不為鳳凰之前致一言空多噪竟不一言民冤无可伸

噪閒言語

長恨歌

漢王重色思傾國御宇多年求不得楊家

重刊唐詩所考 卷八

有女初長成力尊者諱養在深閨人未識天生麗質

難自棄一朝選在君王側回頭一笑百媚

生六宮粉黛無顏色春寒賜浴華清池温

泉水滑洗凝脂侍兒扶起嬌無力始是新

承恩澤時雲鬢花顏金步搖芙蓉帳暖度

春宵春宵苦短日高起後之由從此君王不早朝

承歡侍宴無閒暇春從春遊夜專夜後宮

佳麗三千人三千寵愛在一身金屋粧成

嬌侍夜玉樓宴罷醉和春姊妹兄弟皆列

土可憐光彩生門戶遂令天下父母心不

重生男重生女驪宮高處入青雲仙樂風

颺處處聞緩歌慢舞凝絲竹盡日君王看

不足此言安祿山之亂漁陽鞞鼓動地來驚破霓裳羽衣曲

九重城闕煙塵生千乘萬騎西南行翠華

摇摇行復止西出都門百餘里六軍不發

無奈何宛轉蛾眉馬前死花鈿委地無人



收翠翹金雀玉搔頭君王掩面救不得回

首血淚相和流黃埃散漫風蕭索雲棧紫

紆登劍閣峨嵋山下少人行旌旗無光日

色薄蜀江水碧蜀山青聖主朝朝暮暮情

行宮見月傷心色夜雨聞鈴腸斷聲天旋

地轉迴龍馭到此躊躇不能去馬嵬坡下

泥土中不見正顏空死處君臣相顧盡沾

衣東望都門信馬歸歸來池苑皆依舊太

液芙蓉未典柳芙蓉如面柳如眉對此如

何不淚垂春風桃李花開夜秋雨梧桐葉

落時西宮南苑多秋草官葉滿階紅不掃梨

園弟子白髮新椒房阿監青娥老夕殿螢

飛思悄然孤燈挑盡未成眠遲遲鐘鼓初

長夜耿耿星河欲曙天鴛鴦瓦冷霜華重

翡翠衾寒誰與共悠悠生死別經年魂魄

不曾來入夢臨邛道士鴻都客能以精誠

重刊唐詩卷八 西

致魂魄為感君王轉展思遂教方士怨勤

覓排空馭氣奔如電升天入地求之遍上

窮碧落下黃泉兩處茫茫皆不見忽聞海

上有仙山山在虛無縹緲間樓閣玲瓏五

雲起其中綽約多仙子中有一人字太真

雪膚花貌參差是金闕西廂叩玉烏轉教

小玉報雙成聞道漢家天子使九華帳裏

夢魂驚攬衣推枕起徘徊珠箔銀屏灑迤

開雲鬢半偏新睡覺花冠不整下堂來風

吹仙袂飄飄舉猶似霓裳羽衣舞玉容寂

寞淚闌干梨花一枝春帶雨含情凝涕謝

君王一別音容兩渺茫昭陽殿裏恩愛絕

蓬萊宮中日月長回頭下望人寰處不見

長安見塵霧惟將舊物表深情鈿盒金釵

寄將去釵留一股合一扇釵擘黃金合分

鈿但令心似金鈿堅天上人間會相見臨

重刊唐詩別裁卷八

別殷勤重寄詞詞中有誓兩心知七月七日長生殿夜半無人私語時在天願作比翼鳥在地願為連理枝天長地久有時盡此作法之妙綿繡無絕期以誠明皇之迷于色而不悟也以女寵裁于喪國應知從前之謬矣乃舊令方士遠索而方士因得以虛無縹緲之詞為對遂信細叙私語為真而言其果為仙人也天下有妖艷之婦而成仙人者耶詩本陳鴻長恨傳而作悠揚昌旋情至文生本土楊盧駱而又加變也者矣時自一妓誇于人曰我能誦白學士長恨歌豈與他妓等哉詩之見重于時如此

琵琶行 自序

元和十年予左遷九江郡司馬明年秋送客湓浦口聞舟中夜彈琵琶者聽其音錚錚然有京都聲問其人本長安娼女嘗學琵琶于穆曹二善木年長色衰委身為賈人婦遂命酒使快彈數曲曲罷憫然自叙少小時歡樂事今漂淪憔悴轉徙於江湖間予

出宮二年恬然自安。感斯人言是夕始覺有遷謫意。因為長句歌以贈之。凡六百一十二言。命曰琵琶行。

潯陽江頭夜送客。楓葉荻花秋瑟瑟。主人下馬客在船。舉酒欲飲無管絃。醉不成歡慘將別。別時茫茫江浸月。忽聞水上琵琶聲。主人忘歸客不發。尋聲問彈者誰。琵琶聲停欲語遲。移船相近邀相見。添酒回

燈重開宴。千呼萬喚始出來。猶抱琵琶半遮面。轉軸撥絃三兩聲。未成曲調先有情。絃絃掩抑聲聲思。似訴平生不得志。低眉信手續續彈。說盡心中無限事。輕攏慢撚。乃珍抹復挑。初為霓裳後六么。大絃嘈嘈如急雨。小絃切切如私語。嘈嘈切切錯雜彈。大珠小珠落玉盤。間關鶯語花底滑。幽咽泉流水下灘。水泉冷澀絃凝絕。凝絕不

通聲暫歇別有幽愁聞恨生此時無聲復

此句俗誤也有聲銀鉤乍破水隸逆鐵騎突出刀鎗鳴

曲終收撥當心畫四絃一身如裂帛東艇

西舫悄無言唯見江心秋北風秋月月白浪吟放撥

插絃中整頓衣裳起斂容自言本是京城

女家在蝦蟆陵下住十三學得琵琶成名

屬教坊第一部曲罷能教善才服粧成每

板軟娘妬五陵年少爭纏頭一曲紅綃不

知數鈿頭銀篦擊節碎血色羅裙翻酒污

今年歡笑復明年秋月春風等閑度弟走

從軍阿姨死暮去朝來顏色故門前冷

溶鞍馬稀老大嫁作商人婦商人重利輕

別離前月浮梁買茶去去來江口守空船

又江口遮船明月江水寒夜深忽夢少年事夢啼

粧淚紅闌干我聞琵琶已歎息又聞此語

重唧唧同是天涯淪落人相逢何必曾相

識我明使從去年辭帝京謫居臥病潯陽城潯  
陽地僻無音樂終歲不聞絲竹聲住近湓  
江地低濕黃蘆苦竹遶宅生其間旦暮聞  
何物杜鵑啼血猿哀鳴春江花朝秋月夜  
往往取酒還獨傾豈無山歌與村笛嘔啞  
嘲哳難為聽今夜聞君琵琶語如聽仙樂  
耳暫明莫辭更坐彈一曲為君翻作琵琶  
行感我此言良久立卻坐促絃絃轉急淒

淒不似向前聲滿座重聞皆掩泣座中泣  
下誰最多江州司馬青衫濕寫同病相憐之意惻惻動人。諸本此時無聲勝有身。賦無聲矣。下二句如何接出。宋本無身。復有身。謂住而又彈也。古本可貴如此。

真娘墓墓在虎丘寺

真娘墓虎丘道不識真娘鏡中面推見真  
娘墓頭草霜摧桃李風折蓮真娘死時猶  
少年脂膚羨手不牢固世間有物難留連

難留連。易消。寒北花江南雪。不著迹象  
高于衆作

夢得云香魂雖死人不  
怕真可笑人也

寒食野望吟

邱墟郭門外。寒食誰家哭。風吹曠野紙錢  
飛。古墓累累春草綠。棠梨花映白楊樹。盡  
是死生離別處。冥冥重泉哭不聞。蕭蕭風  
雨人歸去。

醉後狂言酬贈蕭殷二協律

餘杭邑客多羈貧。其間甚者蕭與殷。天寒  
身上猶衣葛。日高甑中未拂塵。江城山寺  
十一月。北風吹沙雪紛紛。賓客不見綿袍  
惠。黎庶未沾襦袴恩。此時太守自慚愧。重  
衣複衾有餘溫。因命染人與針女。先製兩  
裘贈二君。吳綿細軟桂布密。柔如狐腋向  
似雲。勞將詩書投贈我。如此小惠何足論。  
我有大裘君未見。寬廣和暖如陽春。此表

非縉亦非績。裁以法度。絮似仁刀。尺鈍拙。製未畢。出亦不獨。畏一身。若令在郡。得五考。與君展覆。杭州人。欲徧覆。杭人實有所不。然呂官者不可不

存此心也。與老村之。實厚萬間。同一志。嚮。

元 稹 字微之。何南人。元和初。對策

士良擊。稹敗。面。江陵。曹參軍。久乃徙。汝州。長史。長慶初。監軍。崔。潭。安。防。規。卒。以。稹。歌。辭。進。帝。大。悅。擢。福。郎。中。知。制。誥。我。遷。中。書。舍。人。翰。林。學。士。旋。進。同。中。書。門。下。平。責。事。事。谷。中。人。維。以。依。中。人。進。不。

論。鄙。之。又。連。火。飲。傾。裴。度。蓋。兩。錢。人。也。太。和。中。為。武。昌。節。度。使。卒。白。樂。天。同。對。策。同。倡。和。詩。稱。元。白。器。其。實。速。不。遠。白。白。骨。直。中。皆。雅。音。元。意。扯。語。鐵。又。流。于。澁。東。城。品。為。元。輕。白。俗。非。芝。論。也。故。特。取。七。言。古。四。章。近。體。不。在。此。數。

### 連昌宮詞

連昌宮中滿宮竹。歲久無入森似束。又有  
牆頭千葉桃。風動落花紅款款。宮邊老人  
為予泣。小年進食曾因人。上皇正在望仙



樓太真同侯闢于立樓上樓前盡珠翠炫

轉熒煌照天地歸來如夢亦如寂何暇脩

言宮裏事初屆寒食他本一作初屆誤一百六店舍無煙宮

樹綠夜半月高位索鳴賀老琵琶少場屋

力士傳呼覓念奴念奴潛伴諸郎宿須臾

覓得又連催特勅街中許然燭春嬌滿眼

驅紅綃掠削雲鬟裝束飛上九天歌一

聲二十五郎吹管逐送巡大遍涼州徹色

色龜茲重轉綠續李暮厚笛傍官牆偷得新

翻數般曲平明大駕發行宮萬人鼓舞途

路中百官隊仗避岐薛楊氏諸姨車闕風

明年十月東都破御路猶存祿山過驅今

供頓不敢藏萬姓無聲淚潛隨兩京之後

六七年卻尋家舍行宮前莊園燒盡有枯

井行宮門閉樹宛然爾後相傳六皇帝不

到離宮門久閉往來年少說長安元武樓

成華亭廢去年初使因祈你偶值門閉暫  
 相逐荆榛榔比塞池塘狐兔驕衰綠樹木  
 舞榭欹傾基尚存文窓窈窕紗猶綠塵埋  
 粉壁舊花鈿鳥啄風筆碎珠王上皇偏愛  
 臨砌花依然御榻臨階斜地出燕窠盤鬪  
 拱菌生香案正當衙寢殿相連端正樓太  
 真梳洗樓上頭晨光未出簾影黑至今反  
 挂珊瑚鈎指示傍人因慟哭卻出宮門淚

相續自從以後還閉門夜夜狐狸上門屋

我聞此語心骨悲太平誰致亂者誰公利言

野父何分別日聞眼見為君說姚崇宋璟天寶之治亂微之豈不知而必野老言

作相公勸諫上皇言語切熨理陰陽禾黍

豐調和中外無兵戎長官清貧太守好揀

選皆言由至公開元之末姚宋死朝廷漸

漸由妃子祿山宮中養作兒號國門前開

如市弄權宰相不記名依稀憶得楊與李

廟謨顛倒四海搖五十年米作瘡痍今皇

神聖丞相明詔書纜下吳蜀平官軍又取

淮西賊吳元濟此賊亦除天下寧年年耕種官前

道今年不遣子孫耕老翁此意深望幸努

力廟謨休用兵詩中既有指斥似可不選然微之超擢因中人崔暉

又歸家選本與長恨歌琵琶行並有兩謂元白體也故已置而仍存之

有鳥

有鳥有鳥如鸛雀食地抱罌天姿惡行經

水泚為毒流羽拂酒盃為死藥漢后忍渴

天豈知驪姬墳地君寧覺嗚呼惟有白色

毛亦得乘軒鶴刺有文采而中毒螫者

冬白紵

吳宮夜長宮漏歛簾幕四垂燈焰暖西施

自舞王自管雪紵翻翻鶴翎散上聲促節牽

繁舞腰嬾舞腰嬾王罷飲蓋覆西施鳳花

錦身作匡床臂為枕朝佩從王王晏寢寢  
醒聞報門無事子胥死後言為諱近王之  
臣諭玉意共笑越王窮惴惴夜夜抱冰寒  
不睡。

田家詞

牛咩咩田確確早地敲牛蹄的的種得官  
倉珠顆穀六十年采兵簇簇月月食糧車  
轉轉一日官軍收海腹驅牛駕車食牛肉

歸來收得半兩角重鑿鋤犁作斤刷姑春  
婦擔去輸官輸官不足歸賣屋願官早勝  
雞早覆農死有兒牛有犢不遣官軍糧不  
足奇節人古

戴叔倫

字幼公金壇人蕭穎士弟子  
劉晏掌鹽鐵表主管胡南歷  
撫州刺史容管經略  
使所至治行稱最

女耕田行

乳鷺入巢笋成竹誰家二女種新穀無人

無牛不及犁。持刀斫地翻作泥。自言家貧  
母年老。長兄從軍未娶嫂。去年災疫牛固  
空。截絹買刀都市中。頭中掩面畏人識。以  
刀代牛誰與同。姊妹相攜心正苦。不見路  
人唯見土。疏通畦壟防亂苗。整頓溝塍待  
時雨。日正南岡下餉歸。可憐朝雉擾驚飛。  
東鄰西舍花發盡。共惜餘芳淚滿衣。末二  
語

觀愈見二女之  
情二女之正

李

紳字公垂亳州人元和初補到  
子助教累遷中書舍人武宗

即位拜中書侍郎平章事紳  
農詩中詩四海無閑田農夫猶餓  
死又云誰知盤中餐粒粒皆章古  
呂溫見之曰他日必為宰相果如  
其言

悲善才 并序

余守郡日。有客遊者善彈琵琶。問其  
所傳。乃善才所授。頃在內庭日。別承  
恩顧。賜宴曲江。勅善才等二十人備

樂自余經播遷善才已歿因追前事

為悲善才

從賜宴曲江說

穆皇夜幸逢池曲金鑾殿開高秉燭東頭  
弟子曹善才琵琶請奏新翻曲翠娥列坐  
層城女笙笛參差笑語天顏靜聽朱絲  
彈眾樂寂然無敢舉銜花金鳳當承撥轉  
腕擺絃促揮抹扶花翻鳳天上来徘徊滿  
殿飛春雪抽絃度曲新聲發金鈴玉珮相

差切流鶯子母飛上林仙鶴雌雄映明月

此時奉詔侍金鑾別殿承恩許召看三月

曲江春州綠九霄天樂下雲端其言二此髻供奉

前屈膝盡彈妙曲當春日寒泉注射隴水

閉塞雁翻飛朔天沒日曛塵暗車馬散為

惜新聲有餘歎明年冠劍閉橋山萬里孤

臣按海叫籠禽鍛翮尚還飛白首生從五

嶺歸閒道善才成朽骨空餘弟子奉宣後

南誰寂寞三春晚有客彈絃獨淒怨靜聽

深奏楚明先憶昔初聞曲江宴言義亦及後一其能後心悲不覺

淚闌干更為調絃反覆彈秋吹動搖神女

佩月珠敲擊水晶盤自憐淮海同泥滓恨

魄癡心未能死惆悵追懷萬事空雍門琴

瑟徒為爾題係守郡說入詩卻先寫陽宴

復耽善才弟子彈絃淒怨  
亦見雙收兩眉神清無限

李益

夜上西城聽梁州

行人夜上西城宿聽唱梁州雙管逐此時

秋月滿闕山何處闕山無此曲鴻雁新從

北地來聞聲一半却飛回金河戎客腸應

斷更在秋風百尺臺

野田行

日沒出古城野田何茫茫寒狐嘯青塚鬼

火燒白楊昔人未為泉下客行到此中曾

斷腸

登夏州城樓觀征人賦得六州胡

兒歌

六州胡兒六蕃語十歲騎羊逐沙鼠沙頭  
牧馬孤雁飛漢軍遊騎貂錦衣雲中征戍  
三千里今日征行何處歸無定河邊數株  
柳共送行人一杯酒胡兒起作和蕃歌  
唱嗚嗚盡垂手心知舊國西州遠西河胡

天望鄉心回身忽作異方聲一聲回盡征  
人首蕃音虜曲直難分似說邊情向塞雲  
故國關山無限路風沙滿眼斷征魂不見  
天邊青作塚古來愁殺漢昭君君虜最長  
邊塞詩不

獨回染峯前一  
絕足以動人

楊巨源

字景山河中人貞元中進士  
自故書郎累遷國子司業年

七十致仕歸時守白河  
中少尹俸食祿終其身

楊花落



北斗南回春物老紅英落盡綠尚早韶風  
澹蕩無所依偏惜垂楊作春好此時可憐  
楊柳花榮盈艷曳滿人家人家女兒出羅  
幙靜掃王庭待花落寶環纖手捧更飛翠  
羽輕縠承不著歷歷瑤琴舞態陳露紅拂  
黛憐玉人東園桃李芳已歇獨有楊花嬌  
暮春兒童泥柳花無甚情味美人游戲場  
花風神無限矣實環縵手一賦形容

善盡

張

籍

張王樂府有新聲而少古意

王漁洋所謂不曾辛苦學如  
孫也然心思之巧辭句之雋最易  
啟人眼讀其青邱每肖之存之以  
備一格文昌有節婦吟時在他  
鏡幕府鄧帥李師道以書幣聘之  
因作此詞以却然玩辭意  
恐失首錄之旨故不錄

古釵款

古釵墜井無顏色百尺泥中今復得鳳凰  
宛轉有古儀欲為首飾不稱時女伴傳看  
不知主羅袖拂拭生光輝蘭膏已盡股半

重訂唐詩別裁

卷八

三

折雕文刻樣無年月。雖離井底人。匣中不用還與墜。時同。

### 征婦怨

九月匈奴殺邊將。漢軍全沒遼水上。萬里無人收白骨。家家城下招魂葬。婦人依倚子與夫。同居貧賤心亦舒。夫死戰場子存。腹妾身雖存。如畫燭。李華甲古戰場文篇中可云結本

### 傷歌行

黃門詔下促收捕。京兆尹繫御史府出門。無復部曲隨親戚。相逢不容語。辭成謫尉南海州。受命不得須臾。留身著青衫。騎惡馬東門之外。無送者。郵夫防吏急。喧驅往。往。驚馬蹄下。長安里中荒大宅。朱門已除。十二戟高堂舞榭。鎖管絃。美人思望西南天。此為楊馮與臨賀尉而作馮心在亦兆尹廣蓄姬妾築第踰制為人糾劾束之

### 烏棲曲

西山作宮花滿池宮鳥曉鳴茱萸枝吳姬  
採蓮自唱曲君王昨夜船中宿

短歌行

青天蕩蕩高且虛上有白日無根株流光  
暫出還入地使我年少不須臾與君相逢  
勿寐寔哀老不復如今樂金卮盛酒置君  
前再拜勸君千萬年祝辭正是  
可傷之處

野老歌

老翁家貧在山住耕種山田三四畝苗疎  
稅多不得食輸入官倉化為土歲暮耜犁  
倚空室呼兒登山收橡實西江賈客珠成  
斛船中養犬長食肉

北邙行

洛陽北門北邙道喪車駢駢入秋草車前  
齊唱薤露歌高墳新起日我嗷朝朝暮暮  
人送葬洛陽城中人更多千金立碑高百

尺終作誰家柱下。石山頭松柏半無主。地  
下白骨多於土。寒食家家送紙錢。烏鳶作  
窠。銜上樹。人居朝市。未解愁。請君暫向北  
却遊。

送遠曲

戲馬臺南山簇簇。山邊飲酒歌別曲。行人  
醉後起登車。席上回尊勸僮僕。青天漫漫  
覆長路。遠遊無家安得住。願君到處自題

名。他日知君從此去。

王

建 字仲初。潁州人。成進士。官明  
應縣丞。轉太常寺丞。終陝州  
司馬。建與張籍友善。工  
為樂府。故張主並名。

田家行

男叡欣小女顏悅。人家不怨言語別。五月  
雖熱麥風清。簷頭索索縲車鳴。野蠶在繭  
人不取。葉間撲撲秋蛾生。麥收上場絹在  
軸。時知輸得官家足。不望入口復上身。且

免向城賣黃犢。田家衣食無厚薄。不見縣門身即樂。

當窻織

歎息復歎息。園中有棗行人食。貧家女為富家織。翁母隔牆不得力。水寒手澁絲脆。斷續來續去。心腸爛州蟲。促促機下啼。雨日催成一匹半。輸官上頭有零落。姑未得衣身不著。當窻卻羨青樓倡。十指不動衣

本意薄之然須字失言疾

盈箱

阮聽詞

重重摩挲嫁時鏡。夫婿遠行憑鏡聽。回身不遣別人知。人意丁寧鏡神聖。懷中收拾雙錦帶。恐畏街頭見。驚恠嗟嗟下堂階。獨自竈下來。跪拜出門願不聞。悲哀即在任。即回未回。月明地上人過盡。好語多同。皆道來卷帷上床。喜不定。與即裁衣失

翻王可中三日得相見。重繡鏡囊。糜鏡面。

墓寫兒女子聲  
口可云惟肖

### 望夫石

望夫處。江悠悠。化為石。不回頭。山頭日日  
風復雨。行人歸來石應語。

### 短歌行

早。樂。府。神。理。  
人初生日初出。上山逢下山疾。百年三萬  
六千朝。夜裏分將強半日。有歌有舞。須以

為昨日健。於今日時。人家見生男女好。不

知男如催人老。短歌行無樂聲。讀此醉覺  
世人一生

碎碎為見孫作馬  
牛者真痴絕也

### 行見月

月初生。居人見月一月行。行行一年十一  
月。強半馬上看。盈缺百年歡樂能幾何。在  
家見少行見多。不緣衣食相驅遣。此自誰  
願長奔波。篋中有帛。含膏有粟。豈向天涯走

碌碌家人見月望我歸正是道上思家時

蘇轍詩

蠶欲老箔頭作繭絲皓皓場寬地高風日  
多不向由庭照蒿艸神蠶急作莫悠揚年  
來為爾祭神桑但得青天不下雨上無蒼  
蠅下無鼠新婦拜簇願繭稠女灑桃漿男  
打鼓三日開箔雪團團先將新繭送縣宮  
已聞鄉里催織作去與誰人身上著意亦絕大

同有悲此  
唐見八清

李

賀字長古系出鄭王後七歲能  
辭章韓昌黎皇甫特正訪之  
賀賦高軒過一篇二公重之父名  
晉肅不舉進大昌黎作原諱藺之  
卒不就舉後以奉心終年三十七  
○長吉詩依約楚騷而意取幽與  
辭取壞奇往往先成得意句投錦  
囊中然後足成之所以每難疏解  
母氏謂兒當嘔心者此也僕天假  
以年必更進大方然天地間不可  
無此種文筆有樂天之易自應有  
長吉之難特取明麗茂章以志畦  
變

言言人言言言

三

高軒過 并序

韓員外愈皇甫侍御湜見過因而命

華裾織翠青如蔥。金環屈膝搖玲瓏。馬蹄

隱耳聲隆隆。入門下馬氣如虹。云是東京

方子文章鉅公二十八宿羅心胸。元精耿

耿貫當中。殿前作賦聲摩空。筆補造化天

無功。龍眉書客感秋蓬。誰知一死草生華風

我今垂翅附冥鴻。他日不羞蛇作龍。

雁門太守行

黑雲壓城城欲摧。甲光向日金鱗開。角聲

滿天秋色裏。塞上燕脂凝夜紫。半捲紅旗

臨易水。霜重鼓寒聲不起。報君黃金臺上

意。提攜玉龍為君死。字字捶鍊而成昌谷

金銅仙人辭漢歌 并序

魏明帝青龍元年八月詔宮官牽車

西取漢孝武替露盤仙人欲立置前

李丁馬詩別成



殿宮官既折盤仙人臨載乃潛然淚  
下唐諸王孫享長吉遂作金銅仙人

辭漢歌

少承雨露盤意便嫌無根

茂陵劉郎秋風客夜聞馬嘶曉無跡畫欄  
桂樹懸秋香三十六宮土花碧魏官牽車  
指千里東關酸風射眸子空將漢月出宮  
門憶君清淚如鈿水衰蘭送客咸陽道天  
若有情天亦老携盤獨出月荒涼渭城已

逢波聲小

漢武有秋風辭遂名秋風客好  
奇之過也多情者大以生物為  
心可見茲以無情日之冥胸中憤  
適不平而年命之促已兆于此

春坊正字劔子歌

先輩匣中三尺水曾入吳潭斬龍子隙月  
斜明刮露寒練帶平鋪吹不起蛟胎皮老  
疾藜刺鴨鵝淬花白鵝尾直是荆軻一片  
心莫教照見春坊字接絲圍金懸麗殺神  
光欲截藍田玉提出西方白帝驚吸吸鬼

母秋效哭從來寫刻者只形其利此并傳其神未暗用漢祖斬白蛇事

將進酒

琉璃鍾琥珀濃。小槽酒滴真珠紅。烹龍炮  
鳳玉脂泣。羅屏繡幙回香風。吹龍笛。擊鼙  
鼓。船齒歌。細腰舞。况是青春日將暮。桃花  
亂落如紅雨。亂落如紅雨。勸君終日酌。酌醉酒不到劉伶墳上土。達人之言。

美人梳頭

西施曉夢綃帳寒。香鬟墜鬢半沉檀。輶  
車  
伊啞轉鳴玉。驚起芙蓉睡新足。雙鸞開鏡  
秋水光。解鬟臨鏡立。象林一編香絲雲撒  
地。玉釵落處無聲膩。織手卻盤老鴉色。翠  
滑寶釵簪不得。春風爛漫惱嬌慵。十八鬟  
多無氣力。妝成鬢髮欹不斜。雲裾數步踏  
雁沙。背人不語向何處。下階自折櫻桃花。

李商隱 字義山 河內人 開成中進士 官弘農尉 會昌中王茂元鎮

河陽辟為掌書記得侍御史茂元  
以子妻之李德裕秉政厚遇之李  
宗閔黨與德裕為讐卒不遇後令  
狐絢作相商隱啟陳絢父楚相厚  
之情絢不之省會河南尹柳仲郾  
鎮東蜀辟為節度判官大中末仲  
郾左遷商隱罷未幾卒商隱詩  
文工於儼祭典瞻遠温庭筠宋代  
場大年諸人宗  
之號西崑体

韓碑

元和天子神武姿。彼何人哉。軒與羲。誓將  
上雪列聖恥。坐法宮中朝。四夸。准西有賊。

五十載。封狼生。驅驅生。羅不據。山河據。平  
地。長戈利矛。日可麾。帝得聖相。相曰度。賊  
所不死。神扶持。腰懸相印。作都統。陰氣滲  
澹。天王旗。愬武古通。作牙爪。儀曹外郎。載  
筆隨。行軍司馬。智且勇。十四萬眾。猶虎貔。  
入蔡縛賊獻太廟。功無與讓。恩不訾。帝曰  
汝度功第一。汝從事愈宜。為辭。愈拜稽首。  
蹈且舞。金石刻畫。臣能為古者。世稱大手。

筆。此事不係于職司。當仁自古有不讓言  
 訖。屢領天子頭。公退齋戒坐小閣。濡染大  
 筆何淋漓。點鼠堯典舜典字。塗改清廟生  
 民詩。文成破體書在紙。清晨再拜鋪丹墀。  
 表曰。臣愈昧死。上誅神聖功書之碑。碑高  
 三丈。字如斗。負以需。螯蟠以螭。句奇語重。  
輔公詩之 喻者少。譏之。天子言其私。長繩百尺拽碑  
 倒。鹿砢大石相磨治。公之斯文若元氣。先

時天北之六已入人肝脾。湯盤孔鼎有述。作今無其  
外之廢 器存其辭。嗚呼聖王。汲聖相。相與烜赫流  
 淳熙。公之斯文不示後。曷與三五相攀。  
 願書萬本誦萬遍。口角流沫右手臆。傳之  
 七十有二代。以為封禪玉檢明堂基。  
詩穰鮮柔媚近詩餘矣即義山七古亦  
以辭勝獨此篇意則正堂堂辭則鷹  
場鳳翽在爾時如景星慶雲偶然一見  
不啻蟲吟草間矣宋代陳瑜磨  
去段文仍立韓碑大是快事

陳閏 未詳

宿北樂館

欲眠不眠夜添淺。越鳥一聲空山遠。庭木  
蕭蕭落葉時。溪聲雨聲聽不辨。溪流潺湲  
風習習。燈影山光滿。寤入棟裏不知深。是  
雲曉來但覺衣裳濕。清幽何減孟襄陽歸  
鹿門作雨天然有升

降之別氣味  
有厚薄也

張泌 必淮南人初官句容尉南唐  
後主徵為監察御史官至中

書舍人入  
宋受不注

春晚詩

雨微微。煙霏霏。小庭半拆紅薔薇。細筆斜  
倚畫屏曲。零落幾行金雁飛。蕭關夢斷無  
尋處。萬疊春波起南浦。凌亂楊花撲繡簾。  
曉意時有流鶯語。

春江雨

雨冥冥。風泠泠。老松瘦竹臨煙汀。空江冷

落野雲重。雲中孤月微。如星夜。鷺溪上漁人起。滴瀝蓬殼滿愁耳。子規啼。斷獨未眠。灤岸夫。海打船尾。

鮑君徽字文姬善詞賦德宗時人與宋氏五女學士齊名

### 惜春花

枝上花花。花下人。可憐顏色俱青春。昨日看花花灼灼。今日看花花欲落。不如盡此花下歡。莫待春風總吹却。鶯歌蝶舞媚韶華。

紅嬋者。名松花香。妝成形。影自矜。惜猶把花。去。賦詞房。

夫人尸部侍郎吉甲平室

### 拜新月

拜新。月拜月。出堂前。暗魄初籠桂。虛弓未引弦。拜新月。拜月。妝樓上。鸞鏡未安臺。娥眉已相向。拜新月。拜月。不勝情。是前風露清。月臨人自老。人望月長生。東家阿母亦。

拜月一拜一悲。琴斷絕。昔年拜月。送客。燭  
如今拜月。雙淚垂。回看衆女。拜新月。却憶  
聞中年少時。

裴羽仙失其址。夜悅室也。悅征句。反  
不歸羽仙賦。邊將詩以寫憂

夜并系以詩

### 寄夫征衣

一聞乍冷。關香匣。玉筋微微濕。紅顏一陣  
霜風。飛柳條。濃烟半。夜成黃。暮暮古涼

如霜雪。獨下寒階。轉淒切。秋知飽。料搗秋  
兒。不覺高樓。已無月。味聞寒雁。秋呼喚。紗  
窻。只有燈。相伴幾。展齊。就又賴。裁離腸空  
透。金刀。斷細想。儀形。執刀尺。回刀剪。破澄  
江色。愁捲銀鉞。信手縫。惆悵無人。試寬窄。  
時時舉袖。勻殘淚。紅箋漫有。千行字。書中  
不盡。心中事。一半殷勤。托邊使。

借隱辭。時代無可考  
故而子示

言詩集卷之八

蜀中送人遊廬山

君行正值芳春月。蜀道千山皆秀發。谷邊  
十里五里花雲外。三峰兩峰雪。君上匡山  
我舊居。松蘿拋擲十年餘。君行試到山前  
問。山鳥只今相憶無。

男種松校字

終



